

## O'zbek - Promises Scriptures

**Ibtido 20:6 Xudo Abumalekka tushida yana dedi: — Sening pok ko'ngilli ekaningni bilaman. Shu sababdan Menga qarshi gunoh qilishdan seni saqladim. Soraga tegishingga yo'l qo'ymadim.**

**Chiqish 35:21,26 Yuragi zavqqa to'lgan har bir odam borib, Uchrashuv chodirini va Chodirda doimiy xizmatlarda foydalilaniladigan ashyolarni qilish uchun, muqaddas ruhoniylig liboslarini tikish uchun Egamizga nazrlar olib kelishdi. 26 Echki junidan ip yigirishga mohir ayollar yuragi zavqqa to'lib, echki junidan ip yigirib olib keldilar.**

**Sahroda 10:35 Sandiq yo'lga chiqqanda, Muso shunday derdi: "Qo'zg'al, ey Egam, Sening g'animplaring tumtaraqay bo'lsin. Seni ko'rolmaganlar oldingdan qochib ketsin."**

**Deuteronomy - Qonunlar 2:25 Men shunday qilamanki, bugundan boshlab butun yer yuzidagi xalqlar sizlardan qo'rqib, vahimaga tushadigan bo'lishadi. Nomingizni eshitganlar sizlardan qo'rqqanidan qaltiraydigan bo'ladi."**

**Deuteronomy - Qonunlar 9:3 Bugun shuni bilib qo'yinglarki, Egangiz Xudo yamlamay yutadigan olovday sizlarning oldingizda boradi. Xudo Onoq avlodini mag'lub qilib, sizlarga itoat ettiradi. Shunda Egamiz bergen va'daga ko'ra, ularni bir lahzada quvib, yo'q qilasizlar.**

**Yoshua 2:9 ularga shunday dedi: "Egangiz bizning yurtimizni sizlarga bergenligini bilaman. Butun xalqimiz bilan sizlardan qo'rqib qolganmiz. Shu yerda yashaydiganlarning hammasi sizlar haqingizda eshitib vahimaga tushgan.**

**1 Shohlar 17:48,50 Go'liyot Dovudga tashlanmoqchi bo'lib, to'g'ri unga qarab yurdi. Dovud ham u bilan olishish uchun Filistlar safi tomon tez yugurib ketdi. 50 Shunday qilib, Dovud Filistni palaxmonu bitta tosh bilan mag'lub qildi. Qo'lida qilich bo'lmasa ham, uni o'ldirib, yerga cho'ziltirib tashladi.**

**Ester 8:17 Hamma viloyatlarda, har bir shaharda, shohning amru farmoni yetib borgan har qanday joyda yahudiylar shodu xurram bo'lib, o'ynab-kuldilar, ziyofatlar uyuştirdilar, bayram qildilar. Shohlikdagi ko'p xalqlar yahudiy bo'ldi, chunki hammani yahudiylardan qo'rquv hissi qamrab olgan edi.**

**Ayub 29:14 Solihlikka kiyim kabi o'rangandim, Odillikni sallam va**

**to‘nimday kiyib yurardim.**

**Sulaymonning Hikmatlari 13:11 Hiyla bilan topilgan davlat yo‘qoladi,  
mehnat bilan topilgani esa ko‘payadi.**

**Sulaymonning Hikmatlari 13:22 Yaxshi odam bolalarining bolalariga ham  
meros qoldiradi, fosiqning boyligi esa solihga nasib etadi.**

**Sulaymonning Hikmatlari 22:22,23 Kambag‘alni kambag‘alligi uchun  
talama, baxtsizni darvoza oldida hukm qilganda qiynama. 23 Chunki  
Egamiz ularni himoya qilib, zolimlariga O‘zi zulm qiladi.**

**Ishayo 35:8 O‘sha yerdan katta yo‘l o‘tadi, Muqaddas Yo‘l deb atalgan yo‘l  
bo‘ladi. Nopoklar u yo‘lga qadam bosmaydi, Bu yo‘l mana shu yo‘ldan  
yuradiganlarga qarashlidir. Bu yo‘ldan yuradiganlar, Hatto idroksizlar  
ham adashmaydi.**

**Ishayo 43:2 Hamma yoqda gul-chechaklar ochiladi, Cho‘l shodlanib,  
quvonchdan hayqiradi. Lubnonning chiroyi, Karmil tog‘ining, Sharon  
tekisligining ulug‘vorligi Unga beriladi. Ular Egamizning shuhratini,  
Xudoyimizning ulug‘vorligini ko‘radi.**

**Ishayo 49:25 Egamiz esa shunday aytmoqda: “Mana, kuchli jangchidan  
asirlar tortib olinadi, Zolimga o‘lja bo‘lganlar qutqariladi! Senga qarshi  
chiqqanlarga Men qarshi chiqaman, Sening bolalaringni Men O‘zim  
qutqaraman!**

**Ishayo 54:17 Senga qarshi yasalgan Hech qanday quroq senga bas kela  
olmaydi. Sen bilan da’volashgan har bir odamning Da’volarini sen  
yo‘qqa chiqarasan. Mening qullarimga ana shular nasib qiladi, O‘zim  
ularga g‘alaba ato qilaman.” Egamizning kalomi shudir.**

**Ishayo 59:17,19 U adolatni sovutday kiyib oldi, Najot dubulg‘asini boshiga  
kiydi, Egamiz qasosni libosday kiyib oldi, Rashkni chopon qilib o‘rab  
oldi. 19 G‘arbdha Egamizning nomidan qo‘rqadilar, Sharqda Uning  
shuhratidan qo‘rquvga tushadilar. Mana, Egamiz daryoday keladi.  
O‘zining Ruhi da’vat etayotgan Kuchli daryoday keladi.**

**Ishayo 61:10 Egam tufayli men buyuk shodlik topaman, Xudoyim deb  
qalbim jo‘sish uradi. Zotan, U meni najot libosi bilan o‘radi, Zafar kiyimini  
menga kiydirdi. Men toj kiygan kuyovga o‘xshayman, Zeb-ziynat bilan  
bezangan kelindayman.**

**Hizqiyol 22:30 Devorni qayta quradigan, devorning o‘pirilib tushgan joyida  
turib, yurtni himoya qiladigan birorta odam bormikan, deya sizlarning  
orangizdan izladim. Ammo yurtni qahrimandan saqlab qoladigan bunday  
odamni topa olmadim.**

**Hizqiyol 45:8 Bu hukmdorning ulushidir. Bundan buyon hukmdorlar**

**xalqimga zulm o'tkazmaydilar, Isroil qabilalari o'z yerlariga o'zlar egalik qiladilar.**

**Doniyor 4:16(13) Undan inson ongi olib tashlansin. U yetti yil mobaynida ongsiz hayvonday yashasin.**

**Doniyor 7:4 Birinchisi sherga o'xshagan edi, uning burgut qanotlariga o'xshagan qanotlari bor edi. Men maxluqni tomosha qilib turgan edim, birdaniga qandaydir bir kuch uning qanotlarini uzib tashladi, o'zini esa ko'tarib odamzodga o'xshatib ikki oyog'ida turg'izib qo'ydi. O'sha maxluqqa inson ongi berilgan edi.**

**Zakariyo 4:6 Men bilan gaplashgan farishtadan so'radim: — Bular nima, ey to'ram?**

**Matto 24:22 Lekin tanlangan odamlar uchungina u kunlar qisqartiriladi. Agar o'sha kunlar qisqartirilmaganda edi, hech bir jonzot omon qolmasdi.**

**Matto 26:41 Ko'z-quloq bo'lib turinglar, vasvasaga tushib qolmaylik, deb ibodat qilinglar. Ruh tetik, tana esa zaifdir.**

**Mark 10:48-52 Ko'p odamlar esa: — Jim bo'l! — deb unga do'q qilishdi.**

**Lekin u: — Ey Dovud O'g'li, menga rahm qil! — deb yanada qattiqroq baqirdi. 49 Iso to'xtab: — Uni chaqirib kelinglar, — dedi. Odamlar kelib, ko'r odamga: — Dadil bo'l, o'rningdan tur. U seni chaqiryapti, — deb aytishdi. 50 Ko'r to'nini yechib tashlab, o'rnidan sakrab turdi-da, Isoning yoniga keldi. 51 Iso undan so'radi: — Sen Mendan nima istaysan? — Ustoz, ko'zlarim ko'rsin! — dedi ko'r. 52 Iso unga: — Boraver, ishonching seni sog'aytirdi, — dedi. O'sha zahoti u ko'ra boshladi. So'ng Isoning ortidan ergashib ketdi. (Matto 20:30-34)**

**Mark 16:20 Shogirdlar esa ketib, hamma yoqda Xushxabarni va'z qilib yurdilar. Rabbimiz shogirdlariga kuch ato qilib, alomatlar orqali ularning so'zlarini tasdiqlar edi.**

**Luqo 14:23 Shunda xo'jayin xizmatkoriga aytibdi: — Yo'llarga, yo'laklarga bor, odamlarni ko'ndirib olib kel, toki uyim to'lsin.**

**Luqo 21:15 Men O'zim sizlarga so'z, donolik ato qilamanki, raqiblaringizdan birontasi aytganlaringizni rad qila olmaydilar yoki e'tiroz bildira olmaydilar.**

**Luqo 21:36 Doim hushyor bo'linglar. Yuz beradigan bu hamma musibatlardan qutula olishingiz va Inson O'g'li oldida munosib tura olishingiz uchun doimo ibodatda bo'linglar."**

**Yohanno 17:15 Endi ularni dunyodan olishingni emas, balki yovuz shaytondan saqlashingni so'rayapman.**

**Faoliyati - Havoriyalar 11:23 U kelib, Xudoning marhamatini ko'rganidan xursand bo'ldi. Hammaga: "Chin yurakdan Rabbimiz Isoga sadoqatingizni saqlab qolinglar", deb nasihat qildi.**

**Faoliyati - Havoriyalar 13:48 G'ayriyahudiylar bu gapni eshitib, xursand bo'ldilar. Ular Rabbimiz Iso haqidagi xabarni izzat-hurmat bilan qabul qildilar. Abadiy hayot uchun tanlanganlarning hammasi imonga keldi.**

**1 Korinfliklar 10:13 Sizlar tushgan vasvasaga boshqalar ham duchor bo'lgan. Ammo Xudo sodiqdir, U kuchingizdan ortiq vasvasaga tushishingizga yo'l qo'ymaydi. Vasvasaga bardosh bera olishingiz uchun kerakli paytda vasvasadan qutulish yo'llini ham beradi.**

**1 Korinfliklar 16:9 Chunki bu yerda menga qarshi chiqqanlar ko'p bo'lishiga qaramay, ta'sirchan faoliyat ko'rsatishim uchun yo'l ochildi.**

**2 Korinfliklar 12:9 Lekin U menga shunday dedi: "Mening inoyatim doim senga yetarli bo'ladi, chunki Mening qudratim sening ojizligingda to'liq namoyon bo'ladi." Shunday qilib, Masihning qudrati men orqali ayon bo'lishi uchun ojizligim bilan maqtanishni afzal ko'raman.**

**Efesliklar 6:11 Iblisning hiylalariga qarshi tura olishingiz uchun Xudo bergen barcha quroq-aslahalar bilan qurollaning.**

**Ibroniylar 1:7,14 Farishtalar haqida esa Xudo: "Men O'z malaklarimni shamollarga aylantiraman, Xizmatkorlarimni lovullagan olov qilaman", — degandi. 14 Axir, farishtalar bor-yo'g'i xizmatchi ruhlardir! Xudo ularni abadiy hayotdan bahramand bo'ladigan odamlarga xizmat qilish uchun yuborgan.**

**Yoqubning 4:7 Shunday ekan, Xudoga bo'ysuninglar! Iblisga qarshilik ko'rsatinglar, shunda u sizlardan qochadi.**

**1 Butrus 5:10 Garchi sizlar bu qisqa hayotda azob chekib yashasangizlar ham, Xudoning O'zi sizlarga madad berib, barchangizni barkamol, sabotli, kuch-qudratli va mustahkam qiladi. Axir, inoyatga boy Xudo Iso Masih orqali sizlarni O'zining abadiy ulug'vorligiga sherik qilish uchun da'vat etgan.**